

光緒十一年
善刻

序

醫學難幼科益難幼科中之痘疹疳疾虛
熱則難之尤難蓋痘疹一症其旨微其候
險變幻靡常最難防測果看法精確處方
靈通自操必勝之算若麻疹似稍緩於痘
而人多忽視致不經心第表裏寒熱用藥

當按次第使條理稍紊貽誤必多至於疳
疾虛熱人每謂兒病多由食積又謂稚孩
體屬純陽橫亘二語於胸中不察稟之厚
薄不論病之新久恣投消導苦寒殆元氣
虛脫不可救藥而遂譫之於命嗚呼傷已
星江 俞得瑀明府精岐黃術向輯幼科

症方仿江氏例編為歌括獨缺痢痘二種
暇復采集諸家之長附以瘡疾虛熱諸症
共編歌括通為一冊今年春同以奉諱來
滬出以見示屬為弁言雜誦一過其用法
必證於古其用藥不戾於今指示詳明識
見精卓使讀者援以為準思其難以圖其

序
易子知其萬舉而萬當也

明府筮仕江

蘇江蘇之民之疲癯羸弱者將待君而

起君猶貴人之限於方隅也先後刊

刻心得之祕期活人於無窮慈祥愷悌畧


窺一斑爰樂而為之序

光緒九年長至日古歙葉熙錕韻笙序於

滬北寓齋

月廿

九




自序

余弱冠時雖撰幼科各症湯頭歌括而於麻疹
尚未及焉茲復編其論歌其方以補其缺按麻
痘雖云胎毒皆由感時氣而發如冬溫之年至
春在所必有也行景云瘡家不可發汗經云必
先歲氣無伐天和麻疹均屬瘡斷無汗下之理
況傷寒諸症從表傳裡麻疹兩症從裡出表汗
之則營衛虛而毒無所宣化下之則氣血陷而

毒無所發洩總之治痧之法宜養血滋陰而兼
解散治痘之法宜溫中助陽而兼解散如斯二
者思過半矣余劉河間錢仲陽諸書偏於寒涼
不錄外謹採東垣十書丹溪心法醫宗金鑑遂
生編幼科鐵鏡幼幼集成等篇為引證而活幼
心法所論更為切當錄於編末尤當北面師之
以取法焉可也併附兒科雜症數則

光緒七年春三月夢蘭州堂主人俞世球謹識

於蘇垣需次



新編

自序

採古

麻疹新編目錄

麻疹門

痘疹門

附小兒疳疾虛熱並看面部總歌



痧痘新編卷上

婺源俞世球得瑀氏編著

麻疹門

東垣十書

李東垣曰。小兒耳冷。飢冷。手足乍暖乍涼。面赤。時嗽。時嚏。驚悸。此瘡疹欲發也。未能辨認。間服升麻葛根湯。消毒散。惺惺散。已發未發。皆宜服。仍用胡荽酒。黃柏膏。暑月煩燥。食後與白虎湯。

